

壺關縣志卷之八

列女志

昔漢劉中壘作列女傳史家自范蔚宗以來因之蓋統以列女則孝慈節烈咸備於斯矣壺關俗尚勤儉猶有陶唐氏遺風故婦德女宗代不絕書其最著者或捐軀殉夫抗賊全貞至今猶有生氣或節萃一門徽嗣奕世卓哉不愧完人求諸前代亦不多覩國家典重旌揚屢勒淑問異日輶軒下採書諸史冊足以勵風而維俗非僅一邑一鄉之榮也作列女志

唐

壺關縣志

卷八

列女

一

苗氏張延賞夫人宰相晉卿女延賞累代台鉉爲女擇婿莫有入其意者夫人有 鑑特選韋臯以爲必貴既就婚臯性度高曠不拘小節延賞悔之至不齒禮一門婢僕漸見輕侮夫人待之常厚而抱不平臯妻泣曰韋郎七尺之軀學兼文武豈有沉滯於茲爲尊卑見誚而虛擲光陰乎臯乃辭去後權隴右軍事德宗幸奉天西面之功獨居其上帝旋自金吾持節西川以代延賞詭名韓翹去城三十里有報延賞者曰代相公韋臯非韓翹也夫人曰是必韋郎延賞笑曰天下同姓名何限彼韋生應已委棄溝壑安能乘吾

位乎夫人曰韋郎昔雖貧賤氣凌霄漢以不屈 相
公因而見尤成事立功必此人也次早入州延賞憂
愧曰吾不識人遂潛去臯待夫人過於布素時

元

郭氏兩李氏俱王門婦王爲壺關甲 四世同爨夫

宣提領本州稅課時以能稱宣歿郭守節四十年宣
從弟宇從姪英俱早逝宇妻李氏守節五十年英妻
李氏守節四十年胥以壽終一門三節縣尹鄧朗上
其事於中書免徭役加優恤翰林國史院編修趙天
麟爲之志 載藝文

壺關縣志

卷八 列女

一一

劉氏進士王天祐妻祐將歿囑曰我不幸早逝汝善事
我母訓我子毋貽我羞劉曰夫天也言不可負既寡
啜粥面墨衣布簪荆事姑教子學正楊雲爲撰賢孝
碑在白沙村

張氏太常署都監馬懋祖妻夫卒嫠居守節閭里賢之
明

程氏王觀妻年十九夫亡遺孤昇平甫期持喪三年每
詣夫塋輒悲號幾絕哀動路人父憐之欲奪其志乃
以死誓終身紡績以養舅姑洪武二十九年旌表年
八十餘終

呂氏庠生楊昱妻昱卒呂自縊以殉嘉靖十二年詔旌
張氏閻贊妻宏治七年贊卒張年二十一歲遺子節嘉
靖九年節亦卒又撫其孫至於成立巡按陳劉俱表
其閭

張氏庠生郭恢妻恢積學敦行聲名藉甚年二十而卒
張守義三十年內外無間言知縣何永慶請於上官
奏開旌之

路氏牛相妻太學生乘輅女也生子未彌月而相卒路
撫遺孤奉舅姑苦節三十餘年而卒子繼先後膺歲
貢知縣徐行申請當道旌之曰母貞子孝

壺關縣志

卷八

列女

三

程氏馬漢妻宏治十七年漢卒氏方二十歲守節四十
七年嘉靖二十九年巡按陳給匾旌之

張氏平齊妻正德十年齊故氏方二十歲遺一女守節
三十餘年嘉靖二十九年巡按陳給匾旌之

張氏平翊妻正德十二年翊卒氏二十一歲遺二子守
節三十餘年卒嘉靖二十九年巡按陳給匾旌之

李氏楊準妻家貧年少守志夫歿時二子俱在襁褓紡
織撫育長子後列邑庠享年八十二卒萬曆六年知
縣提學道俱旌其門

萬氏陳設妻年十九歲而寡子方在抱家貧苦不能自

給乃緝繡紉織以爲生子遂成立守節五十六年以
壽終

宋氏庠生閻鉅妻

吳氏陳志高妻

宋氏郭江妻

常氏庠生陳霆妻 以上俱以節著

杜氏牛進寶妻二十四歲寶故苦節六十一年壽八十
五歲卒萬曆四十一年巡撫蘇奏准旌表

郭氏姬守揖妻夫蚤卒矢節終身萬曆四十二年巡按
蘇奏准旌表

壺關縣志

卷八 列女

四

劉氏梁欽妻十八歲歸梁二十歲夫歿遺男棟尙未週
歲劉勵志守節茹苦如飴撫兒成立任六合縣驛丞
劉壽七十八歲而終

王氏吳棟妻二十七歲守義教二子從周永興俱入
宮壽七十八歲終

秦氏太學生宋洽妻二十六歲守節至七十六教子之
光食餼於庠撫院蔡給懸匾旌之

楊氏張弛妻三十歲夫歿遺子甫五齡茹荼甘貧教子
永祿洎孫勲悉列鬻宮不墜張秘書監丞家聲者楊
氏之力居多也壽七十終

李氏秦一卿妻二十三歲守志長子仕俊年方四歲次子尙未彌月茹苦甘貧供子就學其膏火束脩之費皆自手指中營辦後子俊貢大學候選訓導壽七十九歲終

李氏韓天民妻二十五歲守節至六十五歲有一子之屏妻牛氏生男女各一之屏又故李氏同媳堅心苦節撫養孫男孫女以期不絕韓氏似續

王氏生員張朱妻歸張朱二載夫歿遺子一孀居二十餘載崇正壬申流賊之變奔東掌村依母氏棲懸崖土穴中賊用火攻之氏遂被執罵賊不屈竟爲刳死

壺關縣志

卷八 列女

五

至今輿論猶憐之

程氏張斗熙妻程宗道女舉人程于藩妹崇正五年十月流賊焚掠西火鎮其父率氏偕姊適賈名卿者妹適周基邠者避難於縣南高家院之土穴中賊至圍之用火攻烟焰瘴天匿者奔出牽氏袂上馬氏不從墜馬賊怒殺於河其姊被掠倒投廁死姝跳崖不死又投縋焉三女同日俱盡士民咸痛惜焉

國朝

向氏劉加義妻牛氏劉加延妻姜瓌之變二氏同避於荒野爲賊游兵所得曳之上馬則投地大罵賊露刃

脅之二氏延頭 夷然就戮賊遂殺之月餘收其
屍形骸不毀面色如生牛倬弔以詩曰露冷風寒泣
暮蛩哀猿啼處弔芳踪雙魂不逐鉛華落縹緲東泣
第一峯貢生平萬心亦以詩弔之誰家村婦鐵心腸
不避龍泉冷似霜事到斷頭成我是清風千載振綱
常

晉氏皇甫德妻十八歲值姜瓖之變舉家逃難紅嶺賊
圍之密知不能脫叩拜公姑以死自誓賊扶上馬三
扶而三墜竟不從賊遂殺之

牛氏庠生姬屏周妻年十九歲夫亡守貞歷三十餘年

壺關縣志

卷八 列女

六

家最貧備歷艱辛撫子升元入黌宮

宋氏吳璉妻夫亡哀慟欲絕自盡數次爲家人救甦次
日投井以殉邑令章旌之曰節烈芳標

郭氏秦印昌妻三十一歲守節躬親織紡教子之幹成
名壽七十一歲卒

楊氏庠生馬問仁妻三十歲夫歿躬親紡織孝事舅姑
遺孤長獻圖次載圖氏訓教並列鬢序孀居三十年
始終如一

申氏王得能妻三十歲夫歿矢志柏舟教子召入泮食
餼苦節四十六年壽七十六歲邑令朱以節孝流芳

其門

王氏張令教妻孀居五十餘年壽九十歲卒

李氏生員段耀妻耀故李氏二十一歲守節食貧奉舅姑撫遺子超凡成名冰霜堅凜之死靡他苦節二十餘載而卒

馬氏王親臣妻夫亡氏年二十三歲家貧如洗日咽糟糠堅守苦節又遭內變屢受艱辛不易其志撫孤子融入庠享年七十歲卒

曹氏庠生郭應曾妻曾故氏年十七守志終身當事旌之云貞貫金石節軼古今

壺關縣志

卷八

列女

七

趙氏庠生秦殿掄妻年十九其夫感暴疾而亡氏誓不改節子承周年未週歲其伯翁之壁憐氏之志撫訓其子後入泮氏以苦節終

閻氏王加節妻節亡氏方二十撫子克明亦少亡遺幼省日赴田間剝苦菜剝樹皮以度日守節五十年孫得成立

岳氏郭世全妻年二十三歲夫亡遺孤崑未週歲氏含荼茹苦教子入庠乾隆十一年旌表

趙氏丁二則妻二十六歲夫亡自縊以殉乾隆十三年

旌表

郝氏李忠心妻二十四歲夫亡自縊以殉乾隆二十一年邑令馬遣典史以羊豚並製文祭之乾隆二十三年旌表

王氏姬繼殷妻二十六歲夫亡遺孤女二歲其夫既葬乃謂弟婦等曰汝輩善事翁姑家人不喻其意乘隙自縊

張氏連克孝妻二十一歲而寡其兄欲其改適氏則素衣簪荆以兄言爲不義而遠之守節四十餘年人無間言

宋氏郭廷翰妻十九歲守節姑病常在牀褥氏侍奉不壺關縣志

卷八 列女

八

倦及姑死負土成墳盡哀盡禮親見遺腹子生孫有司聞而獎之

張氏武帝誥妻二十七歲其夫死於非命朝夕哀號誓不復生數日後歸省父母回家即自縊邑令旌之

翟氏馬士成妻二十八歲夫亡俟夫殮畢自縊以殉

崔氏雷起璧妻二十六歲夫亡遺薄田二畝破屋一間事孀姑三十餘年自食糠粃而養姑以滑甘及姑壽終賣田供含殮葬時扶柩而擗男女觀者無不墮淚
雍正元年入通志

王氏郭洪坤妻乾隆三十二年夫亡遂投崖求死延數

日而殞

靳氏秦文啟妻甫字夫殞不食五日而死

韓氏廩生連冲霄妻二十一歲夫亡奉養孀姑恪修婦

道教子桴食餼於庠雍正四年請旌

王氏郭式妻二十八歲夫亡無子翁姑衰老念氏無依
心欲嫁之氏曰我若改嫁翁姑誰侍因以死自矢嗣
其姪隣里高其節

蓋氏郭代享妻年二十一歲夫亡二日自縊以殉

劉氏張珍妻年二十二歲夫歿孝事孀姑教子瑞璘以
歲貢任孝義訓導諸孫俱列膠庠入成均享年八十

壺關縣志

卷八

列女

九

一歲

李氏馮君聘妻年十七而寡守節四十五年迄如一日
張氏王廷顯妻年二十一歲夫卒孝事孀姑守志六十
載終始一節有司匾旌

曹氏王金箱妻少寡苦節享年九十三歲邑令安旌之
牛氏陳廷祐妻少寡守義教子彥卿遊庠邑令李匾旌
羅氏馬之祿妻年二十一歲夫歿守志家貧能孝事翁
姑撫育孤子享年七十二歲

馮氏劉萬良妻年二十一歲夫亡子憫尙未週歲孝事
嫠姑子長遊學織紵以助資斧迨其子入府庠村中

舉其賢行氏止之曰守節婦道之常

訓子義方萬分未獲其一衆遂止氏卒鄉里 以
爲有古淑媛風

許氏魏子琢妻年二十四歲夫歿於外哀慟幾
勸以夫尸未歸遺腹未辨因飲水復甦後果 姒
舅姑撫孤子備嘗諸艱卒無怨言

張氏王瑾妻年二十一歲夫殞哀毀幾不欲生所親責
以宜撫藐孤乃盡屏向所服飾荆釵布裙足不踰
者數十年教子錫璽貢入太學舉耆賔孫飛熊開運
俱入邑庠

壺關縣志

卷八

列女

十

楊氏丁太安妻年二十一而寡子方彌月家無生計挑
野菜拾枯柴以度日父母欲奪其志寧死不可撫其
子存既長有勸其爲子謀娶者氏泫然曰吾公姑及
伯兄猶在淺土娶婦尚可緩也母子爲人傭工聚錢
十餘緡卒營葬三喪云

王氏王可陞妻年二十二歲夫亡無子誓不改醮守節
四十餘年繼其族子以承祀貢生王華淅有詩云無
兒嫠婦更兼貧不比尋常守義身持定堅心同鐵石
生成傲骨是松筠青年歷盡含荼苦白首只如斷髮
新信道時窮方見節柏舟詩後有斯人

任氏王黨妻年二十一而寡事姑最孝每聞姑噫咳聲雖午夜必起視撫摩每食必躬奉槃盂以進澣滌必親不假奴隸家人或語以過勞曰吾婦職宜如是况代吾夫盡子道乎撫子錫琳貢太學早世教其孫啟元培元俱遊邑庠人以爲節孝之報未艾也逮嘉慶年間家道益昌以曾孫鳳舞損顯秩有司請於朝賜任氏節孝可嘉匾額以榮之題准 旌表入祀

陳氏張孝妻年二十歲孝歿無子氏誓守節以奉舅姑其翁張世富卒於汴氏親往扶櫬歸里營葬備歷艱辛事孀姑最孝謹晝夜織紉以奉滑甘而已常缺食

壺關縣志

卷八

列女

十一

曰侍姑側人未嘗聞其叱咤聲鄉里共稱之

吳氏姜國忠妻年二十二歲夫亡家無資業其翁失明姑又多病常卧牀茵氏以績紉營辦奉養維謹撫孤子至於成立黨里咸稱其節孝

杜氏許黨妻年二十六歲夫亡子岐鳳方五月對日自誓子稍長暗其母兄云若雖有孤兒實一廢人勸其改適氏曰吾子雖不能語究不得謂吾夫無子也厥志不易後爲子娶婦宋氏甫三年而其子又亡婦宋氏念姑老無依亦矢志守義嗣族子姑于八十三歲六十餘歲皆以完節終

杜氏楊在田妻年二十一歲夫遭疾語氏曰我病必不起以老母託汝奈無子何氏痛夫病危未及答而夫殞乃斷髮指天以誓曰所不終夫之託者有如日家最貧極力日供甘旨凡漱浣必躬親嗣近族子姑以壽終喪葬盡禮哀痛之聲聞者隕涕

平氏任加榮妻年十八歸任其夫即遠賈氏勤織紉以奉翁姑其翁喜宴客氏百計具酒食問所從來輒謬對曰家之餘貲也姑有女善譖數被撻辱卒無怨言未幾其夫遇疾性躁急少失其意即見凌虐氏如不經意調護愈篤夫卒氏痛不欲生家既貧其子又幼

壺關縣志

卷八

列女

十一

翁姑料不能久留待之少疎氏見翁姑不悅含淚不敢下引孤嬉戲必俟開顏乃止其子成長又不幸內喪妻室所遺孫兒女皆氏撫養年雖老紡磚箴管晝夜不輟蓋一身而兼全四世也

李氏郭成妻少寡守義家最貧或有周以粟者氏正色拒之居常日惟一脯甚至斷炊撫子瑜成長卒完其節

李氏梁之翼妻年二十六歲而寡苦守志行其繼姑遇之少恩氏奉事維謹卒亦感悟撫訓二子其次子淵

成遊邑庠

氏郭壘妻年十八夫殞氏謂所親曰吾志在必死但念姑止一子我又無所出我死姑將誰依於是強爲飲食旣而其姑以氏年少無子且家貧勸之改適氏泣曰婦所隱忍不死者爲姑故耳奈何不知我心乃謀繼嗣於其家族無昭穆相當者不得已以姑之姪孫爲己子姑病且篤囑曰以我累汝我死汝益無依盍自爲計氏終不聽旣葬其姑爲子娶婦卒完其節陳氏吳加富妻二十三歲而寡遺子女各一亦相繼天先是與其夫弟加成加盛析箸乃仍與同居勤苦操作以佐家計孀居五十年始終不渝鄉里以賢節稱

壺關縣志

卷八

列女

十二

秦氏張新富妻 平氏新富之子達妻 馮氏秦振業妻 王氏振業之子學資妻 陳氏平廷選妻 吳氏廷選之子訓妻 王氏王國士妻 陳氏國士之子存禮妻 李氏牛瑞妻 平氏瑞之子克寬妻 劉氏王匡佐妻 郭氏匡佐之子光前妻 雷氏閻允錫妻 吳氏允錫之子重妻 韓氏庠生董學詩妻 張氏宋學普妻 王氏張浩妻 馬氏吳玉妻 王氏牛富妻 姜氏張昌泰妻 韓氏牛俊妻 陳氏牛星科妻 王氏郭永寧妻 閻氏宋大承妻 王氏石海仁妻 郭氏張某妻 張氏王瓊妻庠生

恭己之母 李氏秦鑑妻 秦氏牛星耀妻 李氏
武帝琨妻 宋氏武永興妻 牛氏郭景賢妻 李
氏武懋尚妻 張氏趙啟松妻 程氏梁之仕妻
閻氏平宏道妻 馬氏牛順妻 宋氏閻之法妻
李氏璩友彪妻 宋氏李林妻庠生賜麟之母 侯
氏李如賢妻 張氏牛懋禮妻 趙氏李漢輔妻
張氏閻瑄妻 韓氏瑄之弟琨妻 裴氏閻琬妻
秦氏常文茂妻 劉氏平珩妻 王氏任加財妻
庠生其政之母 李氏杜進義妻庠生嗣尹之母
杜氏庠生閻必用妻 程氏陳來斌妻 韓氏庠生

雷世龍妻 平氏世龍之弟世仁妻 馬氏王大才
妻 秦氏庠氏陳詰妻 李氏王君佐妻庠生詰士
之母 萬氏閻臣妻 平氏庠生吳恕妻 劉氏庠
生李發元妻 晉氏崔楷妻 關氏閻洪妻 趙氏
李增廣妻庠生慶雲之母 連氏程鈞妻 閻氏程
珠妻 秦氏平鈞臣妻 關氏平文璇妻 馬氏閻
普妻 張氏王昌妻 劉氏賈文妻 張氏賈文之
弟海妻 雷氏王正綱妻 張氏庠生平謹妻 秦
氏趙哲妻 蘇氏秦萬敬妻庠生國幹之母 萬氏
任友財妻 張氏吳天錫妻 高氏王輔全妻庠生

灌之母 段氏閻寬妻庠生錫旌之母 趙氏陳所
衛妻 張氏陳廷颺妻 張氏廷颺之弟廷柱妻
杜氏張萬資妻 李氏崔瑞妻 吳氏程業灝妻庠
生文采之母 萬氏吳橘妻 陳氏吳國凝妻 李
氏崔棟妻 郭氏張羽朝妻庠生文俊之母 王氏
張聖基妻 劉氏宋台臣妻 張氏閻忠妻 張氏
宋好仁妻以上諸氏或節萃一門或徽嗣奕世舊志
謂其事實大率相似皆明從一之義而矢靡他之貞
者也做通志例統而書之白幃青鏡均無憾焉今仍
其舊

壺關縣志

卷八 列女

十五

郭氏程世豐妻庠生兆熊之母舊志稱其以節著

晉氏平志士妻年少失偶上事公姑以孝下撫子女以
慈矢志靡他始終如一邑令程給匾旌獎以彰節孝
王章村

宋氏儒童郭躋妻乾隆三十六年夫亡氏墜樓以殉死
而復生縣令秦給以獨昭竒烈匾額嘉慶十七年旌
表入節孝祠 川底村

張氏王九經妻十九歲夫亡矢志柏舟完節以終里黨
稱之

申氏 廩生 增生 妻早歲孀守誓以身殉夫其翁涕泣勸慰語

以兩孫俱幼死將誰託且我復年邁死者有知能不痛心地下不若留此軀使老而孩者免填溝壑此即所以報夫也第曰一死恐巾幗完人尚不如是氏感悟恪遵不違後翁卒喪葬以禮訓二子同入邑庠學憲鄒以撫孤盡孝旌其門

川底村

丁氏儒童馮世選妻世選卒時氏年甫二十冰霜自勵遠近以節孝稱

郭氏庠生李越衆妻越衆早卒遺氏與妾王氏各有子二郭氏待妾以禮撫妾子如己子飲食教誨有畫荻風後妾子鵬年中嘉慶戊午科武舉餘子亦俱成名

壺關縣志

卷八

列女

十六

人以爲非氏力不至此

向掌村

李氏庠生李東暘妻年二十一歲而夫亡氏撫遺腹子教養兼施以慈代嚴教子成立復得孫與曾孫一堂繞膝壽七十三歲卒人以爲積善餘慶信然

韓庄村

李氏王彬妻早歲孀守子幼姑老家復赤貧氏針指自給撫孤盡孝數十年如一日邑令程以節孝可嘉旌之

南關廂

平氏邑庠生王耀魁妻夫早亡氏撫一幼女之死靡他里人重之

南關廂

郭氏張玉朝妻二十一歲夫亡遺子文俊甫三歲家貧

甚悲慟欲絕繼以存孤爲重吞聲飲泣以紡織自給
後文俊入泮孫纘載亦列諸生氏願始慰一日謂諸
孫曰吾始願不及此今將報爾祖於地下矣閱數月
無疾而卒壽享七旬學憲呂賜匾額以旌其節

固村

申氏蓋廷接妻邑庠生申登鰲女也于歸旬餘夫歿氏
呼天號泣觸棺幾死者數次或勸以汝妙齡何自苦
如此世以再醮生育男女者豈少哉氏怒唾其面尋
母家接歸氏託言欲視翁姑回即自縊而死

固村

郭氏蓋士仁妻二十八歲孀守家素貧氏勤於女工撫
養二子成立鄉鄰高其節以爲巾幗完人

固村

壺關縣志

卷八

列女

十七

趙氏郭君彥妻年幼孀守後子媳俱斃氏復撫養一孫
至成立艱苦之狀人不能堪氏處之淡如年八十卒

固村

杜氏馬士英妻年二十三歲夫臥病謂氏曰我死須擇
勝我者嫁之氏曰夫何出此言妾唯有一死以報君
耳夫疾將危先自縊以其志夫於翌日亡

修善村

梁氏馬從雲妻二十六歲夫亡野無寸壠家徒壁立氏
日咽糟糠苦守二十餘年而歿

修善村

蓋申氏賦性貞烈族間子有以褻語調之者因自盡邑
令張憫其節烈將其人按律懲治照例請 旌建坊

入祀瞽宗以昭曠典

宋氏高秉玉妻性嚴正于歸二載秉玉臥病氏左右侍養日夜不懈尋夫沒自經以殉姻族爲請匾額邑令張以捐軀明志應照例請 旌若僅予匾額尙不足維風化而慰幽魂貢生王華齡有詩云志節冰霜著心腸鐵石知栢舟雖志美尙覺死遲遲

秦氏十九歲夫歿遺子甫四月氏矢志自守撫孤成立數十年苦節遠邇咸稱邑令張擬援例 旌揚先給

匾額以彰貞淑

南青村

趙侯氏二十五歲而孀一子方在襁褓氏冰霜爲心教

壺關縣志

卷八

列女

十八

子自幼至長循規蹈矩毋貽寡母羞邑令張以青年

失偶皓首全節旌其門

賈庄村

平氏閻景春妻歲貢生平發之姊二十二歲夫亡衰姑年逾六旬遺子未滿兩週家甚貧無升斗儲氏以一年死未足塞責含淚縫紉撫孤盡孝姑去世竭力營葬子漸成立爲娶媳氏方幸可報夫於地下不料子復夭亡煢煢無依較夫沒時爲尤苦呼天搶地以爲其死已晚因立繼嗣奈厄運未滿而所繼子又沒氏終以先人之祀不可絕再爲續嗣計氏一生辛苦血淚交流道路嘆息邑令茹以撫孤盡孝現年七十七歲

守節五十餘年爲請 旌建坊入祀

北關廂

吳氏增廣生閻汝謙妻年二十餘孀守家貧無子奉姑

孝謹性嚴峻人不敢以他語進現年六十四歲

北關廂

苗氏楊如意妻婉娩有至性歸楊月餘如意即隨父貿

易歸化城氏事姑處娣姒盡得其歡踰年父子俱客

死靈櫬抵里竭力營葬畢若不甚哀戚者人以其心

莫測方驚訝間氏已投井死矣出之顏尚如生時年

二十一歲監生張文煥有句云不願他年稱未亡惟

求此日得同歸

王氏例貢生王廷贊妻年十八歸廷贊克勤克儉有古

壺關縣志

卷八 列女

十九

賢媛風十載贊卒氏明從一大義蓋青年守志白首

完貞三十年於茲矣現詳請 旌表

河口村

張氏王瑾妻於乾隆年間題准 旌表入節孝祠

韓氏陳纘虞妻夫十九歲卒氏誓節自守數年以療亡

人謂雖未克終其志而淮陽孝婦於氏則無愧云

郭氏宋鯁妻夫夭亡母勸改適氏誓捐軀以殉携夫遺

物登樓自縊閭里重其節烈以視死如歸旌之

王氏李錦裕之母年二十八夫亡氏野無寸壠室如懸

罄賴十指爲度日計撫週歲子艱苦之狀道路傷之

守節五十餘載子現成立縣旌其門曰貞垂彤管

劉氏路世泰妻年二十而寡奉衰姑孝敬無違無子撫嗣子如己出守節三十餘年內外無間言縣旌其門曰節孝兼優

王氏申爾俊妻庠生廷弼胞妹與申爾瑀妻王氏服屬妯娌均青年矢志里人謂之一門雙節爾俊早逝氏年二十遭變煢煢惟一女茹荼苦守以夫弟爾瑗子芳爲嗣年垂老猶斤斤閨範其母家本同里自父母歿後竟年不輕詣也乾隆二十三年邑令楊以節孝印額旌其門

王氏邑庠生申爾瑀繼妻本儒家女素明大義爾瑀年

壺關縣志

卷八

列女

二十一

甫三十而亡氏青年矢志孤豐孩提而慧少長畫地教之作字及能應試不永其年氏請於夫兄爾瑾以季子纘爲後生平恪守壺範四十年如一日孀居後未嘗一與近鄰往還閭里至今以苦節稱

王氏王光衍妻本儒家女二十九歲夫歿遺孤封鎬封雍均在幼穉氏食貧守節晝作夜紡篝燈課子讀書後鎬遊庠食餼雍亦能辛勤持家氏守節三十四年卒

路氏馬瑞妻年二十五夫亡氏青燈自守逾三十六年嘉慶三年邑令李以貞節旌之

申氏西關壁村楊鴻妻在室時習聞父 翁拙菴先生暨母王太恭人之訓嫻於女儀于歸後慘遭夫鴻之變忍淚茹荼事孀姑楊撫弱息克讓咸合禮法嫂晉素嬰痲疾代教二子無異所生嫂疾屢發未嘗作詬誶語蓋有以服其心也邑令汪以冰操旌其門守節四十餘年卒

張氏年十七爲申功笱室二十三歲夫亡所生一子夭折以嫡堂姪石麟爲夫嗣娶婦生子後又夭遺孫甫襁褓近族無可倚者累經家難田產蕩然糠糲且不可得人或勸其改適氏泣曰如是呱呱者何乃抱孤

壺關縣志

卷八

列女

二十一

孫爲人傭爨撫孫卒至成立矢節計四十年矣

楊氏馬步雲妻二十八歲夫故守節三十三年嘉慶三年邑令李以匾額旌其門

申氏馬嵩妻及笄歸嵩嵩婚甫逾月即遠賈數千里久無音耗艱窘萬狀四十餘年嵩始歸骨守節四十餘年而卒邑令向爲旌其門

郭氏邑庠武生張天樞妻二十三歲夫亡誓以節自守請於翁恩貢生鳴鳳夫弟天基擇昭穆相當者以爲嗣嘉慶戊辰學憲黃案試潞郡旌以匾額今守節四十年矣里黨賢之

李氏國學生馬九江妻歲貢生李馨女李本邑名宿累世書香氏幼習女訓年十九歸九江恪遵婦道九江亡氏年二十八歲孀姑年已垂白弱弟九德方負笈從師未能朝夕侍養氏所生男自貞甫離懷抱氏矢志竭力上奉孀闈訓子不少姑息逮自貞入邑庠人咸嘆息以爲節孝之報未幾自貞亦故遺童孫續長氏慈而兼嚴即以訓子者訓孫閭里紳耆臚列節畧請於縣爲旌其門曰陶貞歐範蓋實錄也九江係馬瑞胞姪馬步雲胞姪孫妻李氏繼胞祖姑楊氏叔姑路氏貽徽一門三節尤里閭所難書諸邑乘洵足光簡冊而勵風俗焉

壺關縣志

卷八

列女

一二十一

姜氏吳溫超妻年十七歸溫超二十一歲而寡矢志守節奉舅姑能得歡心今撫胞姪宗誥爲嗣氏教育不啻己生享年七十以壽終嘉慶十一年里人公請諸學廣文張以匾額旌其門

晉氏吳永興妻歸永興四年夫亡遺腹生一子善撫之以慰翁姑之志嘉慶二十五年邑令汪以匾額旌之

氏年七十九今尙存

賈氏吳永和妻歸永和時年甫十六越十四年而永和卒氏孝事孀姑撫育孤子備嘗諸艱晏如也現年七

十九

賈氏吳京妻歸京十年而寡氏事翁姑以孝聞撫子永昌能繼父志享年八十歲以壽終

馬氏吳玉妻夫卒時氏年甫十八舅姑在堂守節盡孝撫堂姪來相爲嗣教育如己出無何兒媳相繼亡遺孫仕魁氏訓課彌篤貢成均膺鄉飲其噪名儒林皆氏力也曾孫應傑登嘉慶戊寅賢書應彪亦名列銓曹氏守節逾六十年以壽終里閭咸謂節孝之食報正未有艾乾隆三十三年邑令楊曾以匾旌之

李氏秦三多之母以節孝著學憲李旌之曰冰清玉潔

壺關縣志

卷八

列女

一二十二

馬氏王志昱之母矢志勵節教子成立學憲賀獎給節孝可風匾額

秦氏陳煥彩妻年二十九歲而寡子三綱未滿 週孀姑年邁氏憑針指奉養後三綱入邑庠學憲黃旌以亮節堪箴匾額守節五十五載終先是三綱七世祖母萬氏係陳設妻舊有貞節坊在南關廂遺址猶存監生張文煥贈聯云芳徽足愧二夫女貞節遠追六

世姑

秦庄村

氏宋錫瑞妻年二十三歲立志孀守終始如一閭里之

氏平士仁妻年二十二歲夫亡遺孤一元甫數月氏苦節自守奉衰姑以孝聞撫子成立不愧閨內完人郎氏姜福妻二十七歲夫亡誓不復生家人知之防護甚嚴乘隙自縊邑令茹旌其門曰貞義永垂

平張氏青年勵節事翁姑色養備至邑令茹以貞揚彤管旌之

劉氏國和村路根玉之母二十歲夫卒孀守矢志貞潔姑年邁事之極得歡心鄉里至今稱孝婦焉邑令茹旌以匾額

馮氏大河口村廩生王鳳翽之妻年二十一歲而寡無

壺關縣志

卷八

列女

一二十四

子繼胞弟詹事主簿鳳翽之子煦爲嗣煦甫二歲氏撫育不異己出逮今二十年教子嚴治家儉嘗訓煦曰爾父屢薦不第且早不祿爾其善紹前業毋墮家聲煦因謹受教由太學生捐授都察院經歷加級請四品 封典以承父志兼報氏德云